

Obnova šuma na lokalitetu Ravne njive, odjel 123a i 124a, GJ "Gostelja", ŠGP "KONJUH" Kladanj

U skladu s izvedbenim projektom "Rekultivacija šuma u vodozaštitnim zonama ŠGP „Konjuh“, a kojeg je finansirala Italijanska nevladina organizacija Nuova Frontiera u periodu 1998. do 2000. godine, uspješno je izvršena rekultivacija neplanski posječene površine u odjelima 123a i 124a, GJ "Gostelja", ŠGP "Konjuh" Kladanj (*nastala tokom rata*). Prije nego što se pristupilo sadnji, bilo je potrebno izvršiti pripremu zemljišta za pošumljavanje. Mehničkim putem uklonjene su nepoželjne vrste drveća (*breza, jasika*), izdanci, te obična bujad, malina i kupina (*slika 1*).



Slika 2: Odjel 123a, Priprema zemljišta za pošumljavanje, 1998. godina

Izbor vrsta drveća od kojih će biti sastavljena buduća sastojina neobično je važno pitanje u procesu pošumljavanja. Izbor vrsta drveća je prvi korak u ostvarivanju postavljenog cilja i ovo je primjer gdje je na ŠGP "KONJUH" Kladanj prekinuta tradicija očetinjavanja po svaku cijenu. Na lokalitetu Ravne njive blagovremeno i stručno su provođene mjere njege (*slika 2 i 3*).




Slika 2: Odjel 123a, Gorski javor u razvojnoj fazi mladika, 2000. godina



Slika 3: Odjel 123a, Gorski javor u razvojnoj fazi guštika, 2004. godina

Postoje brojni primjeri pozitivne obnove šuma sadnjom sadnica. Svakako, jedan o tih je uspješna realizacija gore navedenog projekta. Naime, danas je to kvalitetna sastojina u fazi jednoobraznog debljeg letvenjaka i tanjeg debeljaka (*slika 4*).



Slika 4: Odjel 123a, Gorski javor u razvojnoj fazi debljeg letvenjaka i tanjeg debeljaka, 2024. godina